



Broj: 02-04-497/24-AP-2
Datum: 12.03.2024. godine

Na osnovu člana 12. stav (3) Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13) člana 5. stav (4) alineja 5. Odluke o standardima i kriterijima za imenovanje na upražnjene pozicije u reguliranim tijelima općine Zavidovići („Službeni glasnik Općine Zavidovići“, broj: 6/2014, 1/2015 i 3/2017) člana 19. stav (2) Statuta Općine Zavidovići („Službeni glasnik Općine Zavidovići“, broj: 5/08 i 5/a/2008) i člana 10. stav (1) tačka 2. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22), Gradsko vijeće Zavidovići na svojoj __. sjednici održanoj dana __. __. 2024. godine, donosi:

ZAKLJUČAK

o davanju saglasnosti na Rang-listu sa užim izborom najboljih kandidata
za pozicije predsjednika i članova u Upravnom odboru
Javne ustanove „Javna biblioteka“ Zavidovići

I

Gradsko vijeće Zavidovići daje saglasnost na Rang-listu sa užim izborom najboljih kandidata na upražnjene pozicije predsjednika i članova u Upravnom odboru Javne ustanove „Javna biblioteka“ Zavidovići, broj: 01-04-2378/24-AP-5 od 06.02.2024. godine, koju je utvrdila Komisija za izbor na upražnjene pozicije predsjednika i članova Upravnog odbora Javne ustanove „Javna biblioteka“ Zavidovići.

Rang-lista sa užim izborom najboljih kandidata na upražnjene pozicije predsjednika i članova u Upravnom odboru Javne ustanove „Javna biblioteka“ Zavidovići, broj: 01-04-2378/24-AP-5 od 06.02.2024. godine je sastavni dio ovog Zaključka.

II

Gradsko vijeće Zavidovići zadužuje Gradonačelnika Zavidovići da donese rješenje o konačnom imenovanju predsjednika i članova u Upravnom odboru Javne ustanove „Javna biblioteka“ Zavidovići, u skladu sa Rang-listom sa užim izborom najboljih kandidata koji su prošli otvorenu konkurenciju za izbor na upražnjene pozicije u Upravnom odboru Javne ustanove „Javna biblioteka“ Zavidovići, a na osnovu člana 3. Odluke o standardima i kriterijima za imenovanje na upražnjene pozicije u reguliranim tijelima općine Zavidovići („Službeni glasnik Općine Zavidovići“, broj: 6/2014, 1/2015 i 3/2017) i člana 25. stav (3) Uredbe sa zakonskom snagom o ustanovama („Službeni list RBiH“, broj: 6/92, 8/93 i 13/94) koja se primjenjuje kao Federalni zakon temeljem člana IX 5. Ustava Federacije Bosne i Hercegovine.

III

Ovaj Zaključak stupa na snagu danom donošenja i objavit će se u „Službenom glasniku Grada Zavidovići“.

**PREDSJEDAVAJUĆI
GRADSKOG VIJEĆA**

Admir Fojnica, prof.

O B R A Z L O Ž E N J E

PRAVNI OSNOV ZA DONOŠENJE ZAKLJUČKA

U članu 12. stav (3) Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13) propisano je: „Nakon što komisija dostavi svoj prijedlog rang-liste kandidata odgovornom javnom službeniku on će, osim ako ima opravdane razloge (s dokazima koji to potvrđuju) da vjeruje da principi i procedure utvrđeni ovim zakonom nisu ispoštovani ili da bi imenovanje bilo kojeg kandidata s predložene rang-liste s užim izborom dovelo do sukoba interesa, osigurati da se izvrši konačno imenovanje kandidata koji je prvi na rang-listi u skladu s postojećim zakonima, pravilima i propisima. Ukoliko se ne može izvršiti konačno imenovanje kandidata koji je prvi na rang-listi zbog bilo kojih razloga navedenih u ovom stavu, kandidati koji su rangirani kao sljedeći na listi s užim izborom bit će razmatrani za imenovanje.”.

U članu 5. stav (4) alineja 5. Odluke o standardima i kriterijima za imenovanje na upražnjene pozicije u reguliranim tijelima općine Zavidovići („Službeni glasnik Općine Zavidovići“, broj: 6/2014, 1/2015 i 3/2017) koji glasi: „Komisija za izbor predlaže Općinskom vijeću putem pismene preporuke rang-listu najboljih kandidata na dalje razmatranje.”.

U članu 19. stav (2) Statuta Općine Zavidovići („Službeni glasnik Općine Zavidovići“, broj: 5/08 i 5/a/2008) određeno je: „Općinsko vijeće donosi opće akte i druge akte u okviru samoupravnog djelokruga Općine te obavlja druge poslove u skladu sa Ustavom, zakonom i ovim statutom.

U članu 10. stav (1) tačka 2. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) određeno je: „Gradsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Grada.“

RAZLOZI DONOŠENJA ZAKLJUČKA

U skladu sa Zakonom o ministarskim, vladinim i drugim imenovanjima i Odlukom o standardima i kriterijima za imenovanje na upražnjene pozicije u reguliranim tijelima općine Zavidovići, dana 07.09.2023. godine Gradonačelnik Grada Zavidovići donio je Odluku o utvrđivanju upražnjenih pozicija predsjednika i članova u Upravnom odboru Javne ustanove “Javna biblioteka” Zavidovići, broj: 02-04-1943/23-AP-2 (u daljem tekstu: Odluka).

Na osnovu navedene Odluke dana 26.10.2023. godine u dnevnom listu „Oslobođenje” i dana 27.10.2023. godine u Službenim novinama Federacije BiH objavljen je Javni oglas za izbor i imenovanje predsjednika i članova u Upravnom odboru Javne ustanove “Javna biblioteka” Zavidovići. Obzirom da je Komisija utvrdila da je na Javni oglas za izbor i imenovanje predsjednika i članova u Upravnom odboru Javne ustanove “Javna biblioteka” Zavidovići pristigla samo jedna prijava, kandidata iz reda zaposlenih, Gradonačelnik Grada Zavidovići je na prijedlog Komisije raspisao Ponovljeni Javni oglas za izbor na upražnjene pozicije predsjednika i člana Upravnog odbora iz reda osnivača, koji je objavljen dana 18.12.2023. godine u dnevnim novinama „Oslobođenje“ i dana 20.12.2023. godine u „Službenim novinama FBiH“, broj: 98/23.

Članom 4. Odluke utvrđeno je da će se za provođenje iste imenovati Komisija za izbor i imenovanje na upražnjene pozicije u Upravnom odboru Javne ustanove “Javna biblioteka” Zavidovići (u daljem tekstu: Komisija), a Komisiju će na prijedlog Gradonačelnika imenovati Gradsko vijeće Zavidovići, te je u skladu sa navedenim, Gradsko vijeće Zavidovići na svojoj 18. sjednici održanoj dana 23.10.2023. godine, donijelo Rješenje o imenovanju Komisije za

izbor na upražnjene pozicije predsjednika i članova u Upravnom odboru Javne ustanove "Javna biblioteka" Zavidovići, broj: 01-04-2048/23-AP-4 od 23.10.2023. godine

Komisija je u skladu sa tačkom III Rješenja o imenovanju Komisije održala četiri sjednice i na istima izvršila pregled prijava kandidata, sastavila listu sa užim izborom najboljih kandidata, dostavila kandidatima obrazac sa pitanjima koji mogu dovesti do sukoba interesa, izjavu po članu 10. stav (5) Zakona o ministarskim, vladinim i drugim imenovanjima Federacije Bosne i Hercegovine, tražila od kandidata podatke o ranijim neposrednim rukovodiocima radi dobijanja preporuka i informacija o kandidatu, obavila intervju sa kandidatima sa uže liste najuspješnijih kandidata koji su prošli otvorenu konkurenciju, donijela pojedinačne odluke (rangiranje kandidata) sa obrazloženjem za svakog kandidata za sve upražnjene pozicije, sačinila zapisnike sa svih održanih sjednica o čemu je predsjednik Komisije podnio detaljan izvještaj.

Nakon obavljenog intrevjua sa kandidatima Komisija je sačinila Rang-listu sa užim izborom najboljih kandidata.

Komisija na osnovu sastavljene Rang-liste preporučuje Gradskom vijeću Zavidovići kao odgovornom javnom službeniku da dadne saglasnost na Rang-listu sa užim izborom najboljih kandidata za poziciju predsjednika u Upravnom odboru Javne ustanove „Javna biblioteka“ Zavidovići iz reda osnivača, radi konačnog imenovanje kandidata Levanda Josipa za predsjednika Upravnog odbora JU „Javna biblioteka“ Zavidovići iz reda osnivača

Komisija na osnovu sastavljene Rang-liste preporučuje Gradskom vijeću Zavidovići kao odgovornom javnom službeniku da dadne saglasnost na Rang-listu sa užim izborom najboljih kandidata za poziciju člana u Upravnom odboru Javne ustanove „Javna biblioteka“ Zavidovići iz reda zaposlenih, radi konačnog imenovanja kandidata Mujanović Melise za člana Upravnog odbora Javne ustanove „Javna biblioteka“ Zavidovići iz reda zaposlenih.

Zbog navedenog predlaže se donošenje ovog Zaključka.

FINANSIJSKA SREDSTVA POTREBNA ZA PROVOĐENJE ZAKLJUČKA

Za provođenje ovog Zaključka nije potrebno obezbijediti sredstva iz Budžeta Grada Zavidovići.

GRADONAČELNIK

doc. dr. Hašim Mujanović

Obradila: _____
(Asima Merdanović)

Kontrolisao: _____
(Idriz Alihodžić)